

جَزَائِدُ مَحَاكِمِ

جمعه ايرتسی

نومرو	محررم	سنه	تشرین اول	سنه	صفیفة
۳۲۲	۲۹	۱۳۰۳	۲۶	۱۳۰۱	۳۰۷۳

- ❖ اشبو غزته بهر هفته جمعه ايرتسی کونلری چيقار سنه لکی در سعادت ایچون مجیدیه
- ❖ بکرمی غروش حسا بیله التمش غروشدر طشره لر ایچون اون بش غروش پوسته اجرتی ضم اولنور بهر
- ❖ نسخه سی ینه مجیدیه بکرمی غروش اولق اوزره یوز پاره به هر یرده صاتیلور درج اولنه جق اعلاناتک
- ❖ هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائرة سنده کائن
- ❖ جریده محاکم اداره سنه مراجعت التلیلدر

قسم رسمی

قره اغاج قضای بدایت محکمه سی مستنطقی سابق
یوسف افندیکنک جنایتله مظنون علیه اولان بر طاقم
اشخاصی توقیف ایتمکسزین تحقیقات استنطاقیه سی
اجرا و بعض جانیلری دخی کفالت نقدیه به ر بط
ایله سبیلرینی اخلا ایلدیکی قونیه عدلیه مفتشلکنندن
تحقیق و اشعار اولتمسندن طولایی تحت محاکمه یه
النمی نظارت جلیله دن امر و اشعار بیورلمشدر

قسم غیر رسمی

طقسان طقوز سنه سی تشرین اولنک اون یدنجی
بازار کیجه سی ساعت اون بچق راده لرنده غلطه
سرای قارشو سنده کائن اور یانتال نام دیگر
آینه لی غازینوی قصداً احراق ایتدیکی ادعا اولتمسندن
طولایی متهم اولمسيله بالمحاکمه قانون جزانک یوز
التمش اوچنجی ماده سنه توفیقاً اعدام جزا سیله
مجازات اولتمسندن حکم ایدیلان اوتوز بر یاشمنده
بروسه لی زاری ولد آغوب حقنده محکمه جنایتدن
ویریلان اعلام محکمه تمیز جزا دائرة سنندن
نقض ایله اعاده قلندریغنی متضمن دائرة مذکورهدن

تنظیم اولنان فی ۲۱ رجب سنه ۳۰۲ و فی ۲۴ نیسان سنه ۳۰۱ تاریخلی و ۲۷۷ نومرولی اعلام اوراق منفرعه سیله فی ۱۳ رمضان سنه ۳۰۲ تاریخده محکمه جنایته تودیع اولمغله بانطالعہ اصول محاکمات جزائیہ قانون موقتک اوچیوز قرقچی ماده سنک قتره اخیره سنه توفیقاً مرقومک محاکمه لازمه سنک اجراسی ضمننده اوچیوز ایکی سنه سی ذی الحجہ سنک یدنجی چهاشنبه کونی حبسخانه عمومیدن جلب ایله اخیراً انتخاب و تعیین ایلدیکی و کیلی عوادیس قولولیان افندی یاننده اولدیغی و مدعی عمومی معاونی عزتلو جدی افندی حاضر بولندیغی حالده محاکمه علنیه یه ابتدار ایله قانون مذکورک ایکیوز التمش درنجی و ایکیوز التمش بشنجی ماده لری احکامی بعد الاخطار محکمه تمیز اعلامیه اتهام مضبطه سی و اتهامنامه ضبط کاتبی تحسین افندی یه قرائت ایتدیلدی اعلام مذکورک مالی باش مدعی عمومیلک مأوریت علیدسندن و یریلان تبلیغنامه ده طوب صداسی کی ایشیدیلان سس حقنده شاهدلرک واقع اولان افاداتده کی مابینک حلی ایچون تدقیقات اجرا اولنامسی و شاهدلردن راشدک متهمک اجر تلی آدمی اولدیغنه دایر اولان اعتراضک نظر مطالعه یه النامسی و متهم وکیللرینک بیان ایلدکلی مدافعانک واهی اولدیغی حقنده علل و اسباب قانونیه کوسترلامسی و مجرمیت قرارینک ثلثان اکثریتله حقوقنه دایر صراحت بولنامسی کی اصول محاکمه جنایت اعلامنده اولان نواقصدن ماعدن تحقیقات دخی نقصان کوریندرک چونکه

متهم مرقوم زاری علیهنده اسباب موجب اولمق اوزره محکمه مذکوره اعلامنده بیان اولنان لائل و امارات مرقومک اوکیجه غازینوی و قتره قپایوب برادرینک خانه سنه کتمسی و بیره خانهلری طولاشوب الحبره ده بریحق ساعت قدر یالکز اوتورمسی و مقروهینک کرخانه سنه کتدیکنی سو یلدیکی حالده مزبورده نک تکذیب ایتسی و حریق سکوستر و تحتنده کی اوپه دن ظهور ایلوب وقعده دن ایکی کون اول غازینودن اشیا فروخت اولتمسی و بدایت حریقده جخانه کی برشی باطلاسی و مرقومک ابتدای کرقنده حال سرسمیده بولتمسی خصوصلری اوله رق حالبوکه مرقومک بشقه کیچهلده مشتریلرک ارقه سی الدقدن صکره غازینوی قپایوب کز مک و بیره خانهلره کتمده اولدیغی حالده اوکیجه غازینودن چیتمسی حقنده اولان دلیل قاعده حکمسنر و مقروهینک کارخانه سنه کیرمکسزین گرفت اولتمش ایلوکی جله اشعارتدن اولسیله مذکور خانه نک دروننده بولنان مزبورده نک افاده سنک مرقومک بو باده اولان سوزینی تکذیب ایدر اخباراتدن معدودیتی و مرقومک سرسملکنک علیهنده دلیل عدی اصولاً غیر جائز اولوب بو حالله و آتشک بوفه دن و زردبان باشندن بدأ ایتش اولدیغی غازینونک قپوسندن کورنلر بولتمش و حریقدن ایکی کون مقدم صاتیلان اوج بش لیرالق اشیا مرقوم زارینک دایسی کرقورک مالی ایلوکی افاده اولتمش اولسنه و طوب کی برشی باطلادیغی حقنده اولان اخباراتده مابینت اولمغله

برابر بو باطلایان شیئک غازینوده موجود اولان متعدد مسکرات فوچیلری اولسی دخی قرین احتمال بولتمسنه و حریق مذکورک قصداً ایقاعی سیغورطه دن اکیجه المق مقصدندن ایروکله جکی طبیعی بولتمسنه نظراً مذکور غازینوده حریقدن اول مقدار اشیا موجود ایدی و محل اخره نقل اولنان اشیا سیغورطه تحتنده اولان اشیا دیمیدر و سیغورطه تحتنده اولان اشیا دن ایسه نوع و مقدار و قیمتی ندر و مرقومک سائر کیچهلر اولیله غازینو قپاندقدن صکره کز مک کتمسی معتادیمیدر و احوال ذتیہ و تجاریه سی فصلدر بورالینک غازینوده بولنان خدمتکارلر ایله سائر اقتضا ایدنلردن سؤال و تدقیق و سالف الذکر افادات مضبوطه ده اولان مابینک حلی مصلحه و قاعده مقتضی ایکن اجرا قلمامش اولدیغندن بروجه محرر اکیال نواقصی ضمننده اعلام مجبوت عنہک نقض اولندیغنی و مضبطه مذکورده نک مالی دخی مرقوم زاری اوکیجه غازینوده یالکز قالوب ایکی عدد هوا غازی یا تمقده اولدیغی حالده ساعت سکر قرارلرنده غازینوی قپایوب برادرینک خانه سنه کتدیکنی سو یلدیکی حالده بو افاده سی قول مجردنده قالمسی و سبب معقوله مستند اولیه رق بیره خانهلری طولاشوب مؤخر الحبره نام بیره خانه ده بریحق ساعت یالکز اوتورمسی ودها صکره مقروهینک کرخانه سنه کتدیکنی سو یلش ایکن بو افاده مزبور طرفندن تکذیب ایلمسی و حریقک غازینونک بعض اشیا سی سکوستر و تحتنده اولان اورتہ قاتده کی قبالی اوپه دن ظهور ایلدیکنک تواتراً

اخبار اولتمسی و بو غازینونک امثالنه نسبتله فوق العاده بر صورتده بردن بره آتش الوب از وقت ایچنده کاملاً محرق اولسی و ابتدای حریقده جخانه کی باطلایان برشیئک قوتندن غازینو جاملرینک قیرلسی کی حاصل اولان دلائل و امارات مرقومک اتهامنه کافی کورلمش و اسناد اولنان فعل قانون جزانک یوز التمش اوچیجی ماده سی حکمی مستلزم افعال جنایته دن بولتمش اولدیغندن اولوجهله اتهامنه قرار و یرلدیکنی و اتهامنامه نک مؤداسی مضبطه مذکورہ مندرجاتی وجهله مرقومک متهم بولندیغنی بیانن عبارتدر (مابعدی وار)

(محکمه تمیز حقوق دائره سی)

محکمه تمیزدن صدور ایدن قراره مبنی استیناف محکمه سنک بردعوابی رؤیت ایتسی اوزرینه کیفینک درجه اولی محکمه سنه حواله سی لازم کله جکندن بختله فصل دعوی اولتمش اولدیغنه دایر سرد ایدیلان اعتراض شایان التفات اولمز طرفینک بالذات حضور محکمه یه ورود ایتلری اوزرینه لاحق اولان حکمک تنظیم و تبلیغ اولنان احضار ورقه لرینک یولسترلغندن طولای نقضی طلبی نظر اهمیتته انه مز اشخاص سائر طرفندن و کالتی حاز اولیان کسنه نک اشخاص

مرقومه به عائد اولان اعتراضاتی در میان صلاحیتی
اوله مز . بنیاداً و استینافاً در میان اولنماش اولان
بر ادعایک عند التیمیز احدائی جائز دکدر .
عکسی اثبات ایدلدیکه اعلامات مندرجاتی محقق
عد اولنور

(خلاصه اعلام)

در سعادتده مقیم مصرلی زاده ادوار بکک تصرفنده
بولنان کل بقیچه چفتلیکی اراضیسی بدل ایجارندن
طولایی قریه مذکوره اهالیسندن ایکیوز الی
بش نفر کسان ایله ییننده متحدت دعوی حقننده
محکمه تمیز حقوق دائره سندن و یریلان اعلام
اوزرینه اجرای تدقیقات ضمننده لاجل المحاکمه
اولنان دعوته اهالی مرقومه نک عدم اجابتلرینه
مبنی وکیل مسخر حضور یله اجرا قلنان تدقیقات
و محاکمات نتیجه سنده طرفین ییننده کی منازعه مومی
ایله ادوار بک وکیلی جانبندن بدل ایجارک صاغ
اقچه اوله رق طلب اولنمندن و مستأجرلرک دخی
رایج حسابیله تسویه سی لازم کله چکی ادعا سنده
اولرندن عبارت اولوب قائمه ایله سکه نحاسیه نک
لغوی و بشاکت اقبجه نک تنزلی حسبیله بومثلودیون
حقننده اولنه جق معامله بی تعیین ایدن مداینات
قرار نامه سی احکامنجه مذکور چفتلیکک طقسان
بش سنده سنه قدر اولان بدل ایجار نک لیرای عثمانی
یوز یکر می غروش حسابیله و اندن صکره کی
بسنه ل ایجار اتنک دخی جمیدی یکر می غروش
اعتبار یله لزوم تأدییه سنه قرار و برلدیکنه دائر
آبدین استیناف محکمه سندن فی ۴ ذی القعدہ سنه

۲۹۹ تاریخنده و یریلان اعلامک تمیزاً رؤیت
و نقضی اورله قضا سنه تابع کل بقیچه قریه سی
اهالیسندن علیکساندر و استلیانو و کریاقو نام
کسنه لر طرفندن استندا اولنسی اوزرینه محکمه
تمیز حقوق دائره سی ادوار بکک غیابنده باش
مدعی عمومی معاونلرندن عزتلو یورغانکی افندی
بعد الاستماع اسباب آتیه به مبنی استدعای مذکوری
رد ایتشد

(فقره حکمییه)

ایجابی لدی المذاکره تمیز استنداسنده بولنان
مرقوم علیکساندر و استلیانو و کریاقو وکیلی
او حانس افندی بالاده کوسه ترلدیکی اوزره سرد
اعتراض ایله اعلام استینافی مذکورک نقضی
طلبنده بولتمقده ایسه ده اوج ماده دن عبارت اولان
اعتراضات مذکوره دن برنجیسی محکمه تمیز درجه
اولی و استیناف اعلاملرندن هرا یکسینی دخی
نقض ایتش اولدیغی جهته محکمه مذکوره جه
کیفیتک درجه اولی محکمه سنه حواله ایدلسی
لازم کورایکن وظیفه خارجنده رؤیت دعوی
ایتش اولسی خصوصی اولوب حالبوکه محکمه
تمیزجه اعلام استینافی مغایر اصول اوله رق
تنظیم اولنان اعلام ابتدائی بی مصدق اولسندن
طولایی نقض ایدیلرک دعوانک یکیدن بالرؤیه
اعلامه ربطی ضمننده استیناف محکمه سنه ارجاعنه
قرار و یراش و محکمه استینافیجه دخی قرار
مذکور موجبجه ایشک یکیدن رؤیت ایدلس
اولسنه کوره وظیفه حقننده کی اعتراض مذکور

غیر وارد کورنمش و اینکنجیسی دخی کوندریلان
دعوتیه ورقه لر ینک یولسز تنظیم و تبلیغ اولتمغله
برابر اصولی و جهله تشکیل طرفین اولتمسز ین حکم
غیابی اعطا ایدلسی ماده سی ایسه ده مندرجات اعلامدن
منفهم اولدیغی اوزره فی الحقیقه جانب محکمه دن
کوندریلان و قه دعوتیه ده اسملری درج اولنان
اشخاصدن بعضیلر ینک وفات ایتش و بعضیلری
دخی تبعه اجنبیه دن بولنمش اولدقلری جهته ل اثره
تبلیغ اولتمدیغی کبی تبعه دولت علیه دن اولنلره
دخی علی الانفراد احضار یه کوندرلسی مقتضی
اولدیغندن بمثله اعاده اولدیغی ورقه مذکوره
ذیلنه اشارت اولتمغله برابر مستدعی تمیزلرک
وکیلی عثمان افندی محاکمه ایچون تعیین اولنان
کونده محکمه یه کلوب محاکمه یه طور شمش فقط
محکمه نک قرار ینی عدم قبول ایله مجاوبه دن امتناع
ایتش اولدیغی جهته وکیل مسخر تعیینله محاکمه یه
دوام اولنهرق حکم غیابی اعطا قلنمش و شو حالده
معامله مذکوره مستدعیلر حقننده موافق قانون
بولنمش اولدیغی کبی اشخاص ساره طرفندن دخی
برکونه وکالتی حائز اولدقلری حسبیله انلر حقننده
اعتراض درمیانه صلاحیتلری اولدیغندن بوجهتله
دائر اولان اعتراضات دخی شایان قبول کور یله مدیکی
و اوچنجیسی خصملری مومی ایله ادوار بکک جانبندن
اجاراتی طلب اولنان محاکمه متصرف حقیقیسی
کندولری اولدیغندن بدل ایجار طلبی حقننده کی ادعایک
واهی اولدیغی ماده سی اولوب انجق تمیز اولنان اعلام
مذکور مالندن مستبان اولدیغی اوزره کرک مستدعی
تمیزلر دن مرقومان علیکساندر و استلیانو نک سائر

معلوم الاسامی کسان ایله برابر مومی ایله ادوار بک
علیهنده اقدام ایتدکلی دعوا ده و کرک یر مومی ایله بک
اچدیغی دعوانک محاکمه سنه بویله بر مسئله در میان
اولتمیوب اصل دعوی اجارات معینه دن تأدییه سی
لازم کلان اقبجه نک جنسنه منحصر بولنمش و قانوناً
محقق عد ایدیلان اعلام مندرجاتی خلافتنه عند التیمیز
بویله بر ادعا احدائی غیر جائز کورنمش ایدو کندن
اشبو اعتراض دخی موجه اولدیغی مثلوا اعتراضات
ساره ایسه بالاده محرر اعتراضاتک تکرارندن
عبارت اولسلیله اعلام مذکورک نقضی موجب
اسبابدن معدود بولتمدیغی و دعوی واقعه نک منافع
عمومیه یه متعلق اولمیوب برچفتلیکک متصرفی ایله
مستأجرلری ییننده تحدت ایدن بدل ایجار دعوا سی
اولسنه نظراً بویله مدعی عمومی نک حضور ی
لازم کلمه چکی جهتله معاون مومی ایله یورغانکی
افندی نک مطالعه سی دخی نفس الامر موافق
کور یله مدیکندن اعتراضات مذکوره نک رد یله
اعلام استینافی مذکورک تصدیقه و اعلام خرجی
اولان بش ینک بشیوز اوتوز اوج غروشله
صورت و تبلیغ خرجلری بولنان یوز یکر می
غروشک یکر می طقوز غروش مصارف محاکمه
ایله برابر مستدعیلره رجوع ایتک اوزره اول
امر ده مدعی علیه ادوار بکدن التمسنه فی ۲۸
شوال سنه ۳۰۱ تاریخنده اکثریت ارا ایله قرار
و یریلرک وکیل مومی ایله تفهیم قلندی

(محکمه تمیز جزا دائره سی)

اصول محاکمات جزائیه قانونک معاملات غیایه به
دائر اولان فصل مخصوص احکامک اجرا قلماسی
باش مدعی عمومیک مقام هیبه سندن در میان اولتان
اعتراضه مبنی بر محکمه دن صدور ایتش اولان حکم
غیایینک نقضنی موجب اولور

(خلاصه اعلام)

ملاطیبه تابع چلیکان قریه سی اهالی سندن بکنتاش
ومصطفی وعلینک طقسان یدی سنه سی نیسانک
اونجی جمع کونی صباحین قریه لینه کلکده لر
ایکن مسلماً اوکلرینه چیقوب مرقوملری ضرب
وبکنتاشی جرح واشیارینی اخذ وغصب ایتلرندن
طولایی جنایتله اتهام اولتان ملاطیبه لی بکرمی
التی یاشنده حاجی چرکس ومختار حسین اوغلی
بکرمی بش یاشنده خلیل وفراری رفیقلری شاملی
اوغلی یوسفک فضیحه مذکوریه جرأتلری
عندالمحاکمه اخبارات وامارات ایله ثابت اولدیغندن
مجرمیتلرینه وقانون جزانک التمش ایکنجی ماده سی
ذیلنک فقره اولیسنه تطبیقاً مرقوملردن حاجی
چرکسک طقسان سکزسنه سی شعبانک طقوزنجی
وخلیلک دخی جاذی الاخرینک اوچنجی کونلردن
وفراری یوسفک دخی دردستی تاریخندن اعتباراً
اوچرسنه مدتله کورکه قونلرینه و اوچپوزغروش
اعلام خرچیله سائر مصارف محاکمه تک تحصیلنه
وجاهاً وغیاباً قرار ویرلدیکنه دائره ملاطیبه سنجاغی

بدایت محکمه سی جزا دائره سندن فی ۲۹ صفر
سنه ۱۲۹۹ وفی ۷ کانون ثانی سنه ۱۲۹۷
تاریخنده صدور ایدن اعلامک محکوم علیمدن
محاکمه حاضری بولتمش اولان حاجی چرکس
وخلیل حقنده کی جهتنه اصول محاکمات جزائیه
قانون موقتی احکامنجه مطلوب اولان معاملات
لایقیله جریان ایتش اولسنه نظراً حسب الوظیفه
اعتراضه محل کور یله ماش ایسه ده فرارده
بولتان یوسف حقنده کی جهتنک قانون مزبورک
معاملات غیاییه به دائره فصل مخصوص احکامک
اجرا قلماسی سندن ناشی نقضی باش مدعی عمومیک
مقام هیبه سندن طلب اولنسی اوزرینه محکمه
تمیز جزا دائره سندن اولیابده فی ۵ ربیع الاول
سنه ۱۳۰۲ وفی ۱۱ کانون اول سنه ۱۳۰۰
تاریخنده آتیده کی قرار ویرلشدر

(فقره حکمیہ)

سائر اوراق دعوی دخی فرائضه تدقیقات تمیزیه
اجراسنه ابدال اولندوقده اشخاص مرقومه دن
حاجی چرکس وخلیل حقننده اجرا قلمان تحقیقات
ومحاکمه اصول محاکمات جزائیه قانون موقته
موافق ولاحق اولان حکم دخی جزا قانونامه
همایونه مطابق بولتمش اولدیغندن اعلام مذکورک
انره دائره اولان حکم وجاهی جهتنک تصدیقنه
وحکم غیاییه به کلنجه قانون مزبورک معاملات
غیاییه به دائره اولان فصل مخصوص احکامک اجرا
قلماش اولدیغی اکلش اولدیغندن اولیابده اولان

اعتراض بجا کورنمکه قانون مذکورک اون
درنجی ماده سنه توفیقاً حکم غیاییه جهتنک نقضنه
وخرج تعرفه سنک الی بشنجی ماده سی موجبجه
مرقومندن حاجی چرکس ایله خلیلدن النسی
لازم کلان اوچر یوزدن التیوز غروش اعلام
خرجنک ایکی مثلی اولان بیک ایکپوز غروش تمیز
اعلامی خرجنک اخذینه ونقض خرجی اولان
ایکپوز غروشک استیفاسنه قرار ویرلدی

(محکمه تمیز جزا دائره سی)

اصول محاکمات جزائیه قانون موقتنک ایکپوزنجی
ماده سی موجبجه هیئت اتهامیه نک لوا بدایت
محکمه سی اعضا سندن اوچ ذاتک تقریقیه
تشکیلی اقتضا ایدرکن بش کشیدن مرکب اولان
استیناف محکمه سی هیئتنک هیئت اتهامیه تشکیلی
ایلیسی صدور ایدن مضبوطه نک فسحنی موجب اولور

(خلاصه اعلام)

حدیده سنجاغنه تابع بیت الفقیه قضاسنه مضاف
مدخوریه قریه لی یحیی بن احمد قلمفیک کیفیت
قتلندن طولایی جنایتله اتهام اولتان قریه مرقومه لی
سید حسین بن محمد وسید عبده بن محمد فشاک
قانون جزانک یوز ایتش درنجی ماده سنه توفیقاً اون

بش سنه مدتله کورکه قونلرینه حکم اولندیغنه
دائر حدیده سنجاغی بدایت محکمه سی جزا دائره سندن
وبریلان فی ۱۹ ذی الحجه سنه ۱۳۰۰ وفی
۱۸ تشرین اول سنه ۱۲۹۹ تاریخلی واون
سکز نومرولی اعلامک مبنی علییه اولان هیئت
اتهامیه مضبوطه سنک فسحنی باش مدعی عمومیک
مأموریت علییه سندن طلب اولتمقله اولیابده
محکمه تمیز جزا دائره سندن فی ۱۰ ربیع الاخر
سنه ۱۳۰۲ وفی ۱۵ کانون ثانی سنه ۳۰۰
تاریخنده آتیده کی قرار صدور ایتشدر

(فقره حکمیہ)

تبلیغنامه ده بیان اولندیغی اوزره اصول محاکمات
جزائیه قانون موقتنک ایکپوزنجی ماده سی موجبجه
لوا بدایت محکمه سی اعضا سندن اوچ ذات
بالتصدیق تشکیلی اولتان هیئت اتهامیه طرفندن
مظنون علییه مرقومان اتهام اولتیوب بش کشیدن
مرکب اولان استیناف محکمه سی هیئتی طرفندن
اتهام اولتمش و بویسه مغایر قانون ووظیفه
خارجنده بولتمش اولدیغندن و بویولده تنظیم
ایدیلان اتهام مضبوطه سی اوزرینه بنا ایدیلان
اعلامک قانوناً حکمی اوله میه جغندن قانون موقت
مذکورک اوچپوز اون درنجی ماده سی موجبجه
ذکر اولتان مضبوطه واعلامک فسح ونقضنه
وسالف الذکر ایکپوزنجی ماده حکمنجه تشکیلی
ایدیله جک هیئت مخصوصه اتهامیه جانبندن احکام
قانونیه دائره سندن یکیدن رؤیت کیفیت اولتمق

اوزره اوراق مرقومه نك محله اعاده سنه و خرج
تفرقه سنك قرقچي ماده سي موججبه نقض اعلامي
خرجي اولان ايكوز غروشك اخذينه قرار و برلدي

(محكمه تمير هيئت عموميه سي)

سلطنت سنه نك مانجستر شهيدري عبده ادليبي
افندي ايله انكازه دواتي تبعه سندن بانكر موسيو
هاري هانسون ييشنده تحث ايدن امنيتي سوء
استعمال دعوا سنده مرور زمان اولديغنه دائر
محكمه استيناف جنحه دائره سندن اعطا قلنان
في ۱۶ اغستوس سنه ۹۸ تاريخي و يوز
اوج نومرولي اعلامك تميراً نقض استيناف
مدعي عموميكي جانبدن و مومي اليه عبده ادليبي
افندي طرفندن استدعا و لنسي اوزرينه اولبايده
اولان اوراق باش مدعي عموميك مأموريت
عليه سندن با تبا غنامه محكمه تمير جزا دائره سنه اعطا
قلنش واستيناف مدعي عموميكنك استدعا سنك
مدت قانونيه سنك مرورندن صكره و برلديكنه
مبني ردي دائره جه تساوي آرا وقوعنه مبني
هيئت عموميه ده بالذاكره قرار كير اوله رق في
۲۷ جاذي الاولى سنه ۳۰۲ وفي ۳ مارت
سنه ۳۰۱ تاريخي اعلامي بشقه جه تنظيم
اولنش اولسيه مدت قانونيه سي ايجنده بالايجه

و يرلش و شرائط تميريه سي اجرا قلنش اولان
مومي اليه عبده ادليبي افنديك استدعا سي جزا
دائره سنجه موقع مذاكره يه قونيله رق تبليغنامه
مذكورده مدعي شخصيلك بويله حقوق عموميه
جهتندن طولايي تمير دعوا يه صلاحيت قانونيه لري
كور يله مديكندن عبده ادليبي افنديك دخي
استدعا سنك ردي طلب اولنش اولديغندن اول
امرده بوجهت تدقيق اولندوقده مدعي شخصي
عبده ادليبي افنديك تميراً درميان اينديكي
اعتراضك اساسي بو خصوصده مرور زمان
اولديغنه دائر اولوب بوايه صرف حقوق عموميه دن
معدود اولديغني و علي الخصوص كندوسنك
دعواي شخصيسنك استماعي بومسئله نك حله
متوقف ايدوكي جهته بوباده استدعاي تميريه
مدعي شخصي مومي اليه دخي صلاحيتدار
اولديغنه اكثر يت آرا ايله قرار و يرلهر ك بناء
عليه اساس اعتراض حقنده باش مدعي عموميكنندن
مطالعه صور يلوب جوابي التندقدن صكره مسئله
آتيده تفصيل دخي اولنه جنغي و جهله مرور زمان
حقنده اولان ماده قانونيه نك صورت مطلقده
تفسيرينه دائر اولسندن ناشي بو كيفيت دخي
حسب القاعده هيئت عموميه جه موقع تدقيق
و مذاكره يه قونلدي

مذكور اعلام استيناف مآلي اصول محاكمات
جزا يه قانون موقنك در تيوز سكسان برنجي
و در تيوز سكسان ايكنجي ماده لري احكامجه

بجازات تأديبيه بي مستلزم بومقوله افعال
ايچون حقوق عموميه و شخصيه دعوا لري نك فعلك
وقوعي تاريخندن اعتباراً اوج سنه صكره ساقط
اوله جنغي و شو مواد قانونيه بي تعديل ايده جك
براراده سنه اولديغني جهته خصوص المذكور
حقنده مادتين المذكور تين احكامنه توفيق حركت
ايدلك لازم كلور ايسده قانون المذكورك في
۵ رجب سنه ۲۹۶ تاريخيله مورخ بولمسئله
و دستورك برنجي جلد نك اون النجبي صحيفه سنده
مندرج مواد عموميه نك اوچنجي فقره سنده بر قانون
و يا نظامك حكمي ماقبلنه شامل اوله ميوب فقط
مخفف جزا اولان احكام قانونيه بوندن مستثادر
ديو محرر اولوب محاكمه ايسه قانونك عباره سنجه
عمل اولنق و حكم و برلك لازم كلسنه و مادامكه
جزاي عفو ايديجي اولان قانونك استثناسنه
دائر صراحت بوقدر المذكور اصول محاكمات
جزا يه قانونك مرور زمان حقند اولان موادينه
فقره المذكوره نك شمولى كور يله مامسنه و مدعي
شخصينك خصوص المذكور دن طولايي في ۳
تشرين ثاني سنه ۱۲۹۷ تاريخنده دعوا يه
مباشرت ايلسنه نظراً درميان اولنان مواد
قانونيه ايجابانجه قانونك تأسسندن اعتباراً مرور
زمان وقوعه بولمسز ين مدعي شخصي مومي اليه
دعوا يه قيام اولنش اولديغني اكلاش لديغندن مظنون
عليهك يالكز قانون بموجب عنهمك ماقبلنه شمولى
اولديغنه دائر اولان ادعا سنك ردي و تدابير
احتياطيه دن اوله رق مظنون عليهك ايكوز عدد

عثمانلي ليراسي نقد ايله شرائط ساثره سنه كفيلى
النمسي حقنده بك اوغلي مركز بدايت محكمه سي جزا
دائره سندن اعطا اولنان قرارك استيناف آرا يتي
مظنون عليه موسيو هاري هانسون و كيلى
موسيو ادوار يد طرفندن ادعا اولنمسي اوزرينه
مستأنف و وكيلى مومي اليه ايله انكازه دواتي
قچيلار يه سي تر جانلندن موسيو استاوريديس
و مستأنف عليه عبده ادليبي افندي و كيلى شهري
افندي و مدعي عمومي معاونلندن توفيق بك
حاضر اولدقلى حالده محاكمه علنيه يه لدي
الابتدار مستأنف و كيلىك لايحه اعتراضيه سنده
خصوص مدعا نك جزا محكمه سنه جهت تعلق
اولوب مآديتي فرض اولنسه بيله سياق ادعا يه
نظراً بوماده بش التي سنه تقدم وقوعه بولنش اولان
معامله دن منبعث برجنجه دعوا سي اولوب
جنجه يه متعلق حقوق عموميه و شخصيه دعوا لري
ايسه اصول محاكمات جزا يه قانونك در تيوز سكسان
ايكنجي ماده سي حكمنجه اوج سنه صكره مسجوع
اوله ميه جنغي آشكار ايكن دعواي المذكوره نك
استماع اولنمسي مغاير قانون اولديغندن قرار ايتديك
فسخني و مستأنف عليهك لايحه جوابيه سندن دخي
متضرر اولان مدعي شخصي ايله احكام قانونيه
اجراسنه مأمور اولان دولت مأمور لري نك فاعلنه
جزاي مستلزم بر فعلك وقوعندن خبردار
اولدقلى وقتده طلب و دعوا يه حقلى اولديغني
قانون جزانك برنجي و طقوزنجي و اون بشنجي
ماده لري احكام عموميه سي جله سندن بولنديغني

کبی حقوق عمومیه نك مرور زمان ایله ساقط اوله جغنه دأر اصول محاکمات جزایه قانون موقنندن بشقه هیچ بر قانونده بر عباره اولیوب و کندیوسی فعلک وقوعنه و سالف الذکر اصول محاکمه جزایه قانونک نشرندن پک چوق صکره خبردار اولوب قانون مذکور احکامک ایسه قبل النشر پکن زمانه شمولى اوله میه جغنی و مخفف جزا اولان احکام قانونیه نك بوندن مستثنا طوقلمسی حقننده کی عباره قانونیه یه یا کاش معنا و یرلمکده اولدیغی بیانیله ذکر اولنان استیناف استدعاسنک ردیله حکم واقعک تصدیق طلب اولنوب طرفینک شفاهاً وقوعبولان افاده لرنده دخی لایحه لری مندرجاتی تکرار واستیناف مدعی عمومیلکی جانب والاسندن اعطا اولنان ادعانا مه ده دخی مدعی شخصینک مرور زمان وقوعبولقسزین ایشه مباشرت ایتدیکی تبین ایلدیکنندن قرار ابتدائینک تصدیق لزومی از بار اولقمسی اوزرینه محاکمه به ختام و یریلهرک ایجابی مذاکره اولندقده اخبار و ادعا اولنان جرمنک نوعی قانون جزانک ایکوز اوتوز التنجی ماده سی احکامی مستلزم جنجه افعالندن بولندیغنه و اخبار اولنان فعلک وقوعی اولان بیک سکر یوز التمش سکر سنه سندن اقامه دعوی تاریخنه قدر طقوز سنه دن زیاده زمان مرور ایلدیکی فعلک وقوعی تاریخیه اقامه دعوی تاریخندن اکلاشلدیغنه و اصول محاکمات جزایه قانون موقننک در تیوز سکسان برنجی و در تیوز سکسان ایکنجی ماده لرینه نظراً خصوص مذکورده

مرور زمان اولدیغندن واکر چه معامله مسروده اصول محاکماتک نشرندن اول وقوع بولدیغی جهته قانونک ماقبلنه شمولى اوله میه جغنی جزا قانوننامه سنک اون بشجی ماده سندن منقهم اولقده ایسه ده وؤخرأ انک تعدیلنی متضمن اولهرق مخفف جزا اولان احکام قانونیه نك مستثنا ایدوکی دستورک برنجی جلدینک اون التنجی صحیفه سنده مندرج مواد عمومیه نك صوک فقره سنده مندرج اولوب مخفف جزانک نهایتی سقوط جزا اولغله باطبع شو مرور زمان مسئله سی دخی مخفف جزا اولان احکام قانونیه به تابع اولدیغی جهته خصوص مذکورده مرور زمان اولدیغنه مبنی ذکر اولنان بدایت محکمه سنک بو بایده و یردیکی قراده و مدعی عمومینک مطالبه واقعده سنده اصابت کور یله مدیکندن قرار مذکورک فسخیه ادعای واقعک ردینه و موسیو هاری هانسونک کفالتدن دخی اخراجنه اکثر یته قرار و یریلهرک تفهیم اولندقده مستأنف علیه تمیز دعوی ایده جکنی سو یلدیکی مبین بولنشدر عبدالله اولدی افندیسنک لایحه تمیزیه سی خلاصه مالنده دخی مخفف جزا اولان قانونک ماقبلنه تشمیلی عدالته مبتنی اولدیغی کی افعال ممنوعه نك جزاسز بر اقلسیده عدالته منافی اوله جغنی درکار بولندیغنی و اصول محاکمات جزایه قانونک نشرندن مقدم وقوعه کلان جرایمک قانون مذکوره تابع اوله جغنه دأر صراحت اولدیغی و اراده سنیه تختنده اولان قوانینک نشرندن اون بش کون مرور ایتدیجه اجراسی قانوناً غیر جائز اولدیغی حالده

اصول محاکمات جزایه نك ماقبلنه تشمیله و مخفف جزا اولان قانونک جزانک سقوطنه قدر توسیعنه دأر اولان مذکور قرار قواعد کلیه قانونیه یه مغایر اولدقدن بشقه اعلام مذکورده مخفف جزانک نهایتی سقوط جزا اوله جغنی بیان اولتمسی شامل اولدیغی الفاظ و عباره نك تشمیلی صورتیله قانون تفسیر ایلدیش دیمک اولوب بو ایسه شورای دولت وظائف مخصوصه سنه عائد موادن اولدیغی ومع مافیه مرور زمانک مبدائی فعلک وقوعنک کندوسنجه معلوم اولدیغی زمان اوله جغنی و اساس ماده نك تحقیقنه کریشیلوب یدنده بولنان بعض مکاتیب و معاملات رسمیه بی حاوی اوراق و تجارت محکمه سی اعلامی تدقیق اولندقدجه فعلک وقوعی کسد یر یله میه جکی طبیعی ایکن بو بایده هانسون وکیلنک قول مجردینک صحیح عدلیله مدار حکم اتخاذ ایلدسی و بک اوغلی جزا محکمه سنجه اک صکره تقدیم ایدوب اعلام ابتدائی واستینافیده بحث و حکایه اولنان فی ۵ تشرین ثانی سنه ۹۷ تاریخلی استدعانک مبدأ دعوی عد و اعتبار اولنهرق مرور زمانک وقوعنه قرار و یرلمسی مغایر قانون و حقانیت ایدوکی ذکر و بیان اولنش و سالف الذکر باش مدعی عمومیلکدن اخیراً و ذیلاً واقع اولان مطالعه دخی ذکر اولنان محکمه استیناف اعلامی مندرجاتندن اکلاشلدیغنه کوره بو ایشده مرور زمان مسئله سی قانون مذکورک نشرندن اول وقوعبولمش اولوب واقعا مخفف جزا اولان احکام قانونیه دن ماعدا هیچ بز قانونک ماقبلنه شمولى اوله میه جغنی دستورک برنجی جلدینک اون التنجی

صحیفه سننده محرر اولان مواد عمومیه ده مندرج ایسه ده اخبار و ادعا اولنان امنیت سوء استعمال جرمنک نوعی قانون جزانک ایکوز اوتوز التنجی ماده سی احکامی مستلزم جنجه افعالندن بولندیغنه و اصول محاکمات جزایه قانون موقننک درت یوز سکسان ایکنجی ماده سنده جنجه لر حقننده او یچ سنه نك کدرانندن عبارت اولدیغی کوستریلان مرور زمان حکمنک مخفف جزا اولان احوالین بولتمسی جهتیله ماقبلنه شمولى اوله جغنه و چونکه قانون مذکورک نشرندن مقدم وقوعبولان بومثللو خصوصاتک رؤیت و اجرآتى قانون مذکور حکمنک جاری اولدیغی بر زمانه یعنی شووقته مصادف اولهرق خصوصیه قانون مذکورده مندرج اولان مرور زمان فصلی سقوط دعوی و حکمه دأر اولوب رافع و مسقوط جزا اولان بر حالک ایسه مخفف جزایه متعلق احوال و معاملاتنه شمولى طریق اولویته قاله جغنه نظراً بومثللو مجازات تأدیبیه بی مستلزم افعالده مخفف جزادن معدودیتی بدیهی بولنان مرور زمان حکمنک جریانی طبیعی بولندیغندن بو ایشده مرور زمان اولدیغنه دأر محکمه استیناف جنجه دأر سندن و یریلان قرار مصیب و موافق قانون اولوب اعتراضات مذکوره حکم مذکورک نقضنی استلزام ایدر اسباب قانونیه دن کور یله مدیکندن شو حالده دخی استدعانک ردیله جزای تقدینک و زنه یه ایراد قیدی طلبنی حاوی بولنشدر


بالاده کوسترلیدیکی اوزره محکمه استینافک قرار به
اعتراضات واقعه به نظراً بویابده اساساً تدقیق
ایجاب ایدن جهت اصول محاکمات جزایه قانون
موقتک سالف الذکر دریتوز سکسان ایکنجی
ماده سنک ماقبلنه یعنی قانون مذکورک نشرندن
مقدم وقوعبولان دعاوی به شامل ودستورده
مخفف جزایه دائر اولان فقره قانونیه حکمک
دخی بومثلاو دعاوی حقهده جاری اولوب اولماسی
ماده لری اولسنه و بونلر ایسه صورت مطلقهده
تفسیره متعلق کورلسنه مبنی اولبابده هیئت
عمومیه جه جریان ایدن مذاکرات نتیجه سنه
مخفف جزایه دائر دستورده محرر فقره محاکم
جزایه دن حکم اولنان مجازاته منحصر اولسنه
مبنی بوقهره نک اصوله متعلق اولان قوانینه و بناء علیه
بحث اولنان مرور زمان مسئله سنه شمولی
یوغیسهده اصول محاکمات جزایه قانون موقتک
دریتوز سکسان برنجی ماده سنه اعدام جزاسی
ویا مؤبدأ مجازات ترهیبیه بی مستلزم برجنایتک
وقوعی تاریخندن اعتباراً اون سنه طرفنده
حقهده اقامه دعوی واجرای تحقیقات اولتمامش
اولدیغی حالده اومدتک انقضاسندن اوجنایت
حقهده حقوق عمومیه وشخصیه دعواسی ساقط
اولوب بومدت طرفنده اقامه دعوی واجرای
تحقیقات اولنوبده هنوز اعلام ویرلامش اولدیغی
حالده اک اخیر اولان معامله تاریخندن اعتباراً
اون سنه دنصکره حقوق عمومیه وشخصیه

دعواسی ساقط اولور دیو مندرج ودریتوز
سکسان ایکنجی ماده سنه دخی ماده سابقهده
ذکر اولنان ایکی حالده مجازات تأدیبیه بی مستلزم
افعال ایچون حقوق عمومیه وشخصیه دعواسی
ینه ماده سابقهده مذکور مبدأردن اعتباراً اوج
سنه صکره ساقط اولور دیو محرر اولسی ومرور
زمان مسئله سنک بواصول محاکمات جزایه
قانونک نشرندن صکره واقع اولان دعاوی به
مخصوص اولوب ماقبلنه شامل اولدیغنه دائر
صراحت قانونیه بولتمامسی جهتلیله ذکر اولنان
دریتوز سکسان برنجی ماده حکمک ماقبلنه یعنی
مستدعی تمیزک اولجه محکمه تجارت نزدنده اچش
اولدیغی حقوق عادیة شخصیه دعواسی مستثنا
اولق اوزره بالکزامنیتی سوء استعماله دائر اولان
دعوازی شخصی به شمولی اولمغله بوسبیه مبتنیاً محکمه
استینافیه جه ایشده مرور زمان اولدیغنه دائر
ویریلان قرار موافق قانون کورنسنه مبنی ذکر
اولنان استدعانک ردینه وجزای نقدی مذکورک
وزنه به ایراد قیدینه اکثریتله قرار ویریلهرک
خصوص مذکوره متفرع کافه اوراق کاملاً
ومستدعی تمیز مومی الیهک زوجیه سی وباسند
مصدق وکیللی فداخام طرفندن تسریع کیفیت
مستدعی ویریلانومذکور وکالت سندی مربوط
بولنان عرضحال معاً اعاده قلندی

اعلان

یکن اوچیوز سنه سی کانون نایسنک یکرمی التجبی
جمع ابرسی کجه سی قاسم پاشاده یحیی کتخدا
مخله سنه ساکن محله مذکوره امامی حافظ
بهالالدین افندیکن خانه سنک تیمور پارمقغنی الت
سوه سندن قورطاروب اکهرک ایچرویه بالدخول
اون ایکی قلم اشیا سنی سرقت ایتلرندن طولایی
مظون علیه اولنلرندن موقوف بولنان انکلتره
دولت فحیمه سی تبعه سندن قارلو واسپرونک
رفیقزلندن اولوب هنوز دردست ایدیله میان
وتابعیت ومحل ولادیتله صنعت وشهرت واقامتکاهی
مجهول اوزنجیه بویلی کوچک النلی وکوکچک
سیوری برونی قره کوزلی اورته اغزی قرال قاش
وصاچلی بغدایی وجهلوتخمیناً یکرمی بریکرمی ایکی
یاشلرنده اولدیغی تحقیق قلنان قوچونام دیگر
استاورنک الله بولنان رفقاسیله بالاشترک فعل
مذکوری ایقاع ایلدکری عندالتدقیق اکلاشلش
وحرکت واقعه لری جزا قانوننامه همایونک ایکی
یوز یکرمنجی ماده سی حکمنی مستلزم افعال جنایتیه دن
اولوب اصول محاکمات جزایه قانون موقتک
باب رابعنک فصل نایسنده محرر مواد احکامنه
توفیقاً فراری مرقومک عن الغیاب درسعادت
محکمه استینافیه سی جنایت و قسمنده محاکم لری اجرا
اولنق اوزره جنایتله اتهامنه بالتذکر متفقاً قرار ویرلش
ایدو کندن متمم مرقوم فراری قوچونام دیگر استاورنک

هرزه ده کوریلور ایسه طوتیلوب محکمه
مذکوره حبسخانه سنه تسلیی لازم کله جکی
بالجمله ضابطه عدلیه مأمورلرینک معلومی اولق
اوزره اشبو اخذو کرفت امری درسعادت محکمه
استینافیه سی نزدنده متشکل هیئت اتهامیه دن تسطیر
واعطا قلندی
فی ۲۰ محرم سنه ۱۳۰۳ و فی ۱۶ تشرین اول سنه ۱۳۰۱



قدیره قضاسنه تابع قره صو ناحیه سنک لخنه
قریه سنک کوی برندن امام سلیمان افندیکنک
مخدومی حسرتک طبانجه قورشونیه جرح واتلاف
ایدلسندن طولایی جنایتله متهم وموقوف بولنان
ساک عثمانک رفیق قریه مرقومه دن اورته بویلی
ترصاری یغلی چاقر کوزلی صاری بکزی سیپاه
قاشلی یوارلق چکهللی بکرمی درت یاشلرنده امین
نام کسنه فرارده اولوب ایوم اثبات وجود
ایتدیکندن قانونه اطاعته محکمه به کلک اوزره
اصول محاکمات جزایه قانون موقتک اوچیوز
یتش برنجی ماده سی موجبجه جانب ریاستندن
مرقومه بوکره مجدداً اون کون مهل ویرلش
اولدیغندن اثبات وجود ایتدیکی تقدیرده قانونه
اطاعت ایتامش نظر یله باقیله رقی اصول محاکمه
مذکوره نک باب رابعنک فصل نایسنده محرر مواد
احکامنه توفیقاً وغیاباً محاکمه سی بالاجرا حقوق
مدینه دن اسقاط ایدیله جکی کبی اموال واملانکنک

دخی تحت حجزه الله جغی و بوصره ده برکونه ادعا به
صلاحیتی اولیه جغی و مرقومک بولندیغی محلی
بیلنر خبر و یرمه که و بالجمله ضابطه عدلیه مأمورلرینک
اخذ و گرفت ایتکه مکلف و مجبور اولدقلری
بیلنک اوزره اعلان کیفیت اولنور
فی ۲ محرم سنه ۱۳۰۳ و فی ۹ تشرین اول سنه ۱۳۰۱

ومالری حجز ایدیه جگی و بواتنده برکونه اقامه
دعوا به حققری اوله میه جغی و بولندقلری محالری
بیلنر خبر و یرمه که و بالجمله ضابطه عدلیه
مأمورلرینک مرقومانی طومغه مجبور بولندقلری
بیانیله اعلان کیفیت اولنور

فی ۲۱ ایلول سنه ۳۰۱

باب ضبطیه توقیفخانه سنده وقوعه بولان منازعه ده
مقتولاً و فات ایدن لازشکری و حسینک کیفیت
قتلندن طولایی موقوف بولنان معلوم الاسامی
اشخاصک رقفا سنندن اولوب بعد الوقعه ذاتاً
محکوم اولدیغی درت سنه مدت کورک جزاسنی
اکمال ایچون سینوبه کوندر یلان و بوکره اگال
مدت ایدرک سبیلی تخلیه اولندیغی بیلدر یلان
و بالتحریری بولدر یله میان اورته بویلی طقنازجه
ایری قره بیقی و قره گوزلی اسمر بکزیلی طرزونی
محمد علی ایله توقیفخانه مذکور دن سبیلی اخلا
ایدلوب کذلک بولدر یله میان حاض یعقوب
شمدی یه قدر اله کچور یله مدککری جهته اصول
محاکات جزایه قانون موقتنک اوچوز یتش برنجی
ماده سنه توفیقاً و تاریخ اعلانن اعتباراً اون
کون طرفنده محکمه به کلری ایچون کندولرینه
جانب ریاستدن اون کون مهل و یرلش اولدیغندن
مدت مذکوره طرفنده محکمه به کلدککری تقدیرده
قانونه اطاعت ایتماش نظر یله باقیله رقی مرقومانک
محاکمه غیایه لری بالاجرا حقوق مدنیه دن اسقاط

بیک اوچوز برسنه سی کانون اولنک اون ایکنجی
پنجشنبه کیجه سی ساعت ایکی راده لرنده قپان
دقیق جوارنده حاجی قادین محله سنده حاضر بک
زقاغنده ساکنه خدیجه خانمک و تشرین ثانینک
اون برنجی چهارشنبه کیجه سی باب سرعسکری
کتبه سنندن ابراهیم افندیکن و تاریخ وقوعی
تعیین ایدیه میان برکیجه دخی و برکو امانتی کتبه سنندن
امین افندیکن و سلیمانیه ده یکیشهرلی حسنیه قادینک
و بشیل طلومبه ده قنطارجی شکری افندیکن
خانه لرندن وقوعه بولان سرقتلرک فاعلری اولمزلندن
طولایی مظنون علیه اولوب هیئت اتهامیه دن
غیاباً جنایتله اتهام اولنان و ایوم فرارده بولنان
اورته بویلی طقنازجه قرال بیقی و مطروش
صاری بکزیلی بوزینک ایکی برنده و بورنک اوچنده
چچک بوزوغی اولوب مهاجر پو طور یله سیاه
پالطوا کتسا ایدن قرق یاشنده کشت و کذار
قولتقیسی احد ایله قیصه بویلی اورته وجودلی
اسمر بکزیلی شاب امر د تبعه ابرانیه دن اون بدی
یاشنده مختار نام شخصلر شمدی به دکن اله کچور یله

اجرا مأمور یتنه مراجعت ایللری اعلان اولنور
فی ۲۶ تشرین اول سنه ۱۳۰۱

مقری قریه سنده مقیم ارنود تیور اغانک ایکی
تلی قریه سنده ساکن جلب اصنافندن ارنود
طالب و سعید اغار ذمترلنده موقت اجرا قرارینی
حاوی برقطعه اعلام موجبجه الاجنی اولان
معلوم المقدار مبالغک تأمین استیفاسی ضمنده تحت
حجزه النان بش رأس قوچ و دیگرلری صاغ مال
اوله رقی جمعاً بوزطقسان یدی رأس اغنام اشبو
تشرین اول رومینک اوتوز برنجی پنجشنبه کونی
ساعت بش راده لرنده مقری قریه سی چارشوسی
درونده چکجه صغیر محکمه بدایت اجرا د اثره سی
معرقبیله بالمزایده فروخت ایتدیر یله جگی اعلان اولنور
فی ۲۶ تشرین اول سنه ۳۰۱

مامش اولدقلرندن اصول محاکات جزایه قانون
موقتنک اوچوز یتش برنجی ماده سی احکامنه
توفیقاً قانونه اطاعتله محکمه به کلک اوزره جانب
ریاستدن و اشبو تاریخدن بالاعتبار کندولرینه
اون کون مهل و یرلش اولغله مدت مذکوره طرفنده
محکمه به کلدککری تقدیرده قانونه اطاعت ایتماش
نظر یله باقیله رقی محاکمه غیایه لری بالاجرا حقوق
مدنیه دن اسقاط و امواللری حجز اولنه جغی
و بومدت طرفنده برکونه دعوی اقامه سنه حققری
اوله میه جغی و بولندقلری محالری بیلنر خبر و یرمه که
و بالجمله ضابطه عدلیه مأمورلرینک علی الاصول
کندولرینی طومغه مجبور اولدقلری بیانیله
اعلان کیفیت اولنور

فی ۲۳ تشرین اول سنه ۱۳۰۱

خدیجه خانمک $\frac{۲۰۲}{۱۱۹}$ نومرولی اعلام موجبجه
دینی اولان مبالغ معلومه نک تسویه سیچون بک
اوغلنده قزغابجی محله سنده ترلا زقاغنده ه
نومرو ایله مرقم بر باب بکار او طه سنده متصرفه
اولدیغی ثلث حصه شایعه سی عندالمزایده ایکی
بیک بوزغروش بدل ایله طالبی عهده سنده تقرر
ایلدیکندن اشبو اعلان تاریخدن اعتباراً اوتوز
برکون طرفنده بدل مذکور اوزرینه یوزده بش
ضمیله طالب اولنلرک بک اوغلی بدایت محکمه سی

طوطی قادینک $\frac{۲۰۲}{۸۶}$ نومرولی اعلام موجبجه
اروم قادینه دینی اولان مبالغ معلومه نک تسویه سی
ضمنده مدیونه نک مالی اولوب داینه نزدنده
امانه محفوظ اولان و بوجه زیر تعداد اولنان
اشیا اشبو تشرین ثانینک بشنجی صالی کونی
ساعت بش قرارلرنده طو بخانه ده بات بازارنده
فروخت اولنه جغی بک اوغلی بدایت محکمه سی
اجر مأمور یتی جانبندن اعلان اولنور

مقرر اولان ۳۴۳۳۷ غروشی حاوی مالیه خزینہ
 جلیله سنک طقسان سکر سنه سی حواله نامه سیدله
 طقسان طقوز سنه سی معاشاتندن التي قطعه معاش
 صورتلر ينك اوچيوز برسنه سی تشرین ثابینک
 سکرنجی جمعہ کونی غلطہ بورسہ سنده بالزایده
 فروخت ایدیلہ جکی بک اوغلی بدایت محکمہ سی
 اجرا ماموریتی جانبندن اعلان اولنور
 فی ۲۶ تشرین اول سنه ۳۰۱

مصطفی افندینک $\frac{۲۰۱}{۱۸۸}$ نومرولی اعلام موجبہ
 کیغورق اوزونیانہ دینی اولان مبالغ معلومہ نیک
 تسویہ سی ضمنده فیروز انا محله سنده انا جامی
 جاده سنده ۹ نومرولی بر باب بورجکی فروتنده
 یوز یکز می سهم اعتبار بله متصرف اولدیغی یکرمی
 سهم حصہ شایعہ سی تاریخ اعلاندن اعتباراً اون
 بش کون صکره بالزایده فروخت ایتدیر بله جکی
 بک اوغلی بدایت محکمہ سی اجرا ماموریتی
 جانبندن اعلان اولنور

فی ۳۰ تشرین اول سنه ۳۰۱

بورو مرمرلی عدد ۱ الماسلیجه یوزک عدد ۱
 صندوق عدد ۱ حصری صندوق عدد ۲ رسم
 تخته سی عدد ۵ صباح منقال عدد ۱ جام
 طاقی عدد ۳ شمعدان عدد ۱ سیاه شال عدد
 ۱ دوق بیاض عدد ۲ فستان عدد ۵ بیاض
 کوملک عدد ۵ پروسته لا عدد ۳ چارشب
 عدد ۳ صفره اورتوسی عدد ۱ بیاض یقه لق
 عدد ۲ چوراب چفت عدد ۴ یوز حوالیسی
 عدد ۱ مندل عدد ۲ نادی ککوپه چفت ۱
 بیاض فیل دیشی طراق عدد ۱ یال دیزلی طپراق
 توتون کاسه سی عدد ۱ اورمه شال بیاض عدد
 ۱ باش یمینیسی عدد ۲ قاریوله اورتوسی عدد
 ۱ قدح عدد ۵ سوراچی عدد ۱ توتون
 طبلاسی عدد ۴ کاسه عدد ۲ طباق عدد ۱
 کیرتک عدد ۱ ترک چفت ۱ بیاض قامزول
 ۱ بیاض قورسه عدد ۱ قناویچه حالی
 ارشون عدد ۴ قرمزی بسمه انتاری عدد ۱
 شال تقلیدی حرقه عدد ۱ بچاق عدد ۱
 معدن فاشق عدد ۳

مطبوعات اجنبیه قلمی مدیری سعادتلو ماجد
 پاشا حضرتلرینک $\frac{۲۰۲}{۲۳۰}$ نومرولی اعلام
 موجبہ چلیونه دینی اولان مبالغ معلومه
 مقابلنده دائن زدنده مرهون اولوب فروختی